



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. I. Utrum lumen gloriæ sit necessarium ad videndum Deum?

[urn:nbn:de:hbz:466:1-77132](#)

imperfectionem : Sed concursus activus est de ratione speciei intelligibilis, & nullam involvit imperfectionem : Ergo essentia divina, ut unita intellectui beatorum per modum speciei tribui debet. Major pater, Minor vero quoad utramque partem probatur. Et in primis quod species intelligibilis activè concurrit ad intellectum, communis est Philosophorum doctrina, ex utroque Sancto Doctore, Augustino, & Thoma de sumpta: Augustinus enim 9. de Trinit. cap. 12. dicit, *Omnis res quam cognoscimus, congenerat in nobis sui notitiam: ab utroque enim paritur notitia, à cognoscente & cognito: ubi verbum congenerat, & parit, concursum activum objecti, mediante specie, manente designat.* Idem colligitur ex S. Thoma infra quæst. 56. art. 1. ubi loquens de specie intelligibili, dicit quod illa se habet sicut forma quæ est principium actionis in aliis agentibus.

Eadem veritas ratione fudetur: Nam in illa generatione spirituali (id est in productione verbi, quæ fit ex unione potentia cum objecto) istud concurrit per modum masculi, & proinde activæ, unde species intelligibilis quam emitit, & potentia imprimis, appellatur a Philosophis semen objecti, quia sicut semen efficienter concurrit ad productionem animalium, ita & species intelligibilis ad intellectum, & productionem verbi.

Addo quod in hoc distinguitur cognitione à volitione, quod prima fit per assimilationem potentiae cum objecto; secunda vero se habet per modum impulsus, & tendentiae in objectum: unde ad cognitionem, objectum mediante specie sui vicaria, debet concurrere per modum principii activi determinantis & complentis potentiam in actu primo: ad volitionem vero, solum per modum termini in quem voluntas pertinet, & à quo extrinsecè tantum & objectivè specificatur.

Quod autem concursus activus in specie intelligibili, nullam dicat imperfectionem, quæ est secunda pars Minoris principialis, videtur manifestum: Tum quæ genus causæ efficientis nullam essentialiter involvit imperfectionem, sicut genus causæ formalis & materialis; unde reperitur formaliter in Deo, ut constat. Tum etiam, quia in tali concursum activo nulla includitur subordinatio, & dependentia ab intellectu creato, ut existimat Bannez. Licet enim quando principium quo effectivum est eisdem ordinis, & rationis cum operante, illi subordinetur; & ita species naturalis subordinetur intellectui creato: quando tamen principium formale effectivum est altioris ordinis, tunc non est subordinatum potentiae vitali quam completæ & perfectæ: certum enim est, quod lumen gloriae est principium effectivum visionis beatæ, tamen non existimo illud esse subordinatum intellectui, sed potius e contra: intellectus enim accipit virtutem & efficaciam ab illo; unde cum essentia divina in ratione speciei intelligibilis unita, sit ordinis superioris, non subordinatur intellectui creato, sed potius sibi illum plenissimè subjicit.

Confirmatur: Tunc solum species est principium quo subordinatum intellectui vel toti supposito intelligenti, ut principio quod quando ab illo sustentatur, & recipit esse; quia à quo res habet esse, ab illo habet operari: unde cum essentia divina, unita intellectui creato ut species, sit ipsum esse per se subsistens, nec sustentetur ab intellectu creato, sed potius illum sustentet, & conservet in esse, non subordinatur intellectui,

A sed hic potius illi, in quantum per illam perficitur ad intelligendum. Item quamvis concursus speciei inhærentis intellectui, habeat ab illo vitalitatem; concursus tamen speciei, quæ est suum esse, & suum vivere (qualis est divina essentia) non habet ab intellectu vitalitatem, sed ab ipsam specie à qua effectivè procedit; immo à vitalitate hujus speciei pendet vitalitas supernaturalis, quam habet intellectus beatus à lumine gloriae. Et per hoc plenè solutum manet primum & præcipuum fundamentum adversæ sententiaz.

Ad secundum dicendum, talēm concursum 86 non esse necessarium, sed liberum; quia licet sit immediatè à divina essentia, non elicetur tamē ab illa, nisi ut liberè applicata, & unita per modum speciei, & forme intelligibilis intellectui beatorum. Sicut licet substantia increata Verbi Divini, per seipsum immediatè terminet humanitatem assumptam; quia tamen hæc unio & terminatio supponit liberum Dei decretum, applicans omnipotentiam, ad conjungenda illa extrema, inter se infinitè distantia, idcirco non censetur necessaria, sed libera. Addo quod unio essentiæ divina per modum speciei, essentialiter supponit aliquam actionem Dei liberam, scilicet infusionem luminis gloriae, quæ est ultima dispositio ab illam.

Ad tertium, concessa Majori, neganda est Minor: ut enim ostendimus Tractatu præcedenti, ^{Diss. 2.} art. 5. sola natura divina habet rationem speciei, & objecti per se primi motivi, respectu divinae intellectus, non vero relations, vel attributa.

Ad ultimum quod paulò difficultius est, fuse respondebitur in Tractatu de Angelis; nunc breviter dico, quod licet substantia Angelini nequeat esse immediatum principium operandi, per modum potentiae activæ, nec proinde in esse entitativi, & naturali: bene tamen per modum speciei, & in esse intelligibili. Quare essentia Angeli distinguenda est, in seipsum ut habet rationem naturæ (scilicet intellectivæ) & ut est objectum actu intelligibile, seu ut habet rationem speciei; & secundum hanc posteriorem rationem inest illi aliqua immediata activitas, secùs vero secundum priorem: quia ut docet S. Thomas loco citato, nec in Angelo, nec in aliqua creatura, potentia operativa est idem quod sua essentia.

DISPUTATIO III.

De lumine gloriae.

C Onsiderato principio ad visionem beatificam ex parte objecti requisito, superest ut aliud quod se tener ex parte potentiae, & à Theologis, *Lumen glorie*, appellatur, in hac disputatione contemplemur, & necessitatem, variaque ejus munera declaremus.

ARTICULUS I.

Vtrum lumen gloriae sit necessarium ad videndum Deum?

O lim Begardi & Beguinæ, existimantes intellectum creatum posse naturaliter videre Deum, consequenter negabant animam indige-

re lumine gloriae ipsam ad claram Dei visionem elevante. Vazquez autem hic disp. 43. cap. 3. & 7. licet luminis gloriae necessitatem absolutè non neget: affert tamen ad visionem beatificam sufficere vel solum lumen gloriae, vel solum essentiam divinam, per modum speciei intelligibilis intellectui unitam, subindeque alterutrum ex illis esse superfluum. Oppositum docent alii Theologi, tam domestici, quam extranei.

S. I.

Duplici conclusione vera sententia statuitur.

Dico primò, animam indigere lumine gloriae ad videndum Deum. Conclusio est certa de fide, definita in Concilio Viennensi in Clement. ad nostrum de hereticis, ubi dicitur: *Animam indigere lumine gloriae, ad Deum videndum, & eo beate perfruendum.*

Ratio etiam id suadet: Deus enim, summum & indeficiens lumen, nunquam sine lumine videri potest, humanae capacitate, juxta diversos status, conoperato. Nam ut Author naturae, naturalis rationis lumine percipitur: ut Author gratiae, in hac mortali vita, obscuro fidei radio cognoscitur: Ergo etiam non nisi splendidissima gloria luce, clare & intuitivè à beatis videripotest in patria. Unde Job. 36. In manibus suis auctoritatibus lumen, & annunciat de ea amico suo quod posse fuisse eius sit. Ub. Gregorius: Amicus veritatis est rectator actionis: unde & ipsa veritas discipulus dicit, vos amici mei estis si seceritis que præcipio vobis De hac igitur luce eternæ patriæ, amico suo Deus annuntiat, quod possesso eius sit, ut nequaque infirmatio sue fragilitate desperet, sed tantò certius sciat, quia illius lumen claritate in postidebit, quanto nunc ritione pulsantim tenebras verius calcat.

Addo, quod potentia quæ ex se, & ex sua natura est insufficiens, & improportionata ad aliquem actum eliciendum, indiget confortari, & elevari per aliquam virtutem in se receptam: Sed intellectus creatus, ex se & ex sua natura est insufficiens, & improportionatus ad visionem beatam, ut ostendimus disputatione precedenti: Ergo ad videndum Deum indiget aliquam virtute superadditam, quæ lumen gloriae à Theologis nuncupatur. Hæc conclusio magis patet ex infra dicendis.

Dico secundò: Ad videndum Deum, non sufficere essentiam divinam in ratione speciei intelligibilis intellectui beatorum unitam, sed insuper requiri lumen gloriae ex parte potentiae.

Colligitur ex D. Thoma hic art. 5. & 3. contra Gentes cap. 53. ubi docet lumen gloriae esse necessarium ad videndum Deum, & tamen requirit etiam unionem essentiae divinae in ratione speciei intelligibilis, immo dicit quod lumen gloriae est dispositio ad hanc unionem: Igitur utrumque simul requirit, scilicet lumen gloriae, & essentiam divinam loco speciei. Non ergo alterum istorum superfluit, ut docet Vazquez.

Præterea idem S. Doctor in 4. dist. 49. quæst. 2. art. 1. ad 1. distinguunt triplices medium in visione: scilicet medium *sub quo*, ut lumen medium *quo*, *sive species*; & medium *in quo*, sicut speculum in quo res representatur; & negat hoc tertium medium in visione beata, secundum verò medium docet esse essentiam divinam, non autem aliquam similitudinem creatam; primum autem medium, scilicet lumen gloriae elevans

intellectum, in illa admittit: Ergo D. Thomas utrumque in visione beata requirit, scilicet lumen gloriae confortans intellectum, & essentiam divinam gerentem vices speciei. Denique hic art. 2. dicit, *Ad visionem tanu sensibilem quam intellectualem, duo requiruntur, scilicet virtus visiva, & unus rei visa cum visa.*

Ratio etiam id suadet: Nam, ut supra declaravimus, intellectus & producio verbi, est quidam partus intellectualis, ex potentia intellectiva, & objecto procedens: Ergo cum intellectus creatus non habeat ex se, & ex sua natura virtutem, saltem proximam, ad videndum Deum, sed radicalem tantum & remotam, præter unionem essentiae divinæ, in ratione speciei intelligibilis, requiritur lumen gloriae ei superadditum.

Confirmatur, & magis illustratur hæc ratio. Potentia intellectiva, respectu actuum naturalium, utrumque requirit, scilicet speciem, & virtutem proportionatam talibus actibus: Ergo similiter in actibus supernaturalibus, præter speciem, requiritur virtus supernaturalis illis proportionata. Unde docent Theologi in Tractatu de fide, quod ad assensum fidei, non sufficit sola extrinseca objecti revelatio, vel sola species, mysteria supernaturalia representans, sed requiritur insuper lumen aliquod supernaturale in anima receptum, & per modum habitus, vel auxiliis communicatum: Ergo vel dicendum est, quod ipsa virtus naturalis intellectus creatus, ex se est sufficiens proportionata ad videndum Deum (quod est error Begardorum à Concilio Viennensi proscriptus) vel quod indiget lumine gloriae, distincto à specie. Addo quod, essentia divina, ut species impresa, non est unibilis intellectui creatus, nisi mediante lumine gloriae, quod est ultima dispositio ad illam unionem, & ostendemus articulo sequenti,

S. II.

Solvuntur objectiones.

Obijecies primo contra primam conclusionem: Lumen gloriae ponitur à Theologis, ut confortet intellectum, & reddat illum potentem, & proportionatum ad videndum Deum: Sed ad hoc non potest deservire: Ergo illud ad visionem beatificam non est necessarium. Major constat, Minor probatur. Inter intellectum creatum, & essentiam divinam, est infinita distantia: Ergo non potest intellectus creatus fieri potens, & proportionatus ad videndum Deum, per lumen gloriae, quod est creatus & finita virtus; impropositio enim, & distantia infinita non potest tolli, aut vinci, per quamcumque virtutem creatam, & finitam.

Confirmatur: Virtus perficiens & confortans potentiam vitalem, ad aliquem actum vitalem eliciendum, debet esse vitalis: Sed lumen gloriae, cum proveniat ab aliquo extrinseco, non est virtus vitalis: Ergo non potest perficere & confortare intellectum creatum, qui est potentia vitalis, ad eliciendam visionem beatam, quæ etiam actio vitalis est.

Ad objectionem respondeo, quod licet inter intellectum creatum, & Deum, infinito modo cognoscibilem, sive ut cognoscibilem adequate & comprehensivè, sit infinita distantia & impropositio, quæ per quocumque lumen creatum & finitum vinci & tollinon potest, tamen ad Deum,

Lib. 27,
cap. 8.

ut finito modo visibilis, non est infinita distan-
tia simpliciter, sed solum diversus ordo natura-
lis, & supernaturalis: unde haec improprio
vinci potest per lumen aliquod creatum ordin-
ini supernaturali, quod sit participatio qua-
dam divina intellectualitatis.

Ad confirmationem dicendum, quod licet
lumen gloriae non sit virtus vitalis ut quod, qua-
si habens in se vitam, bene tamen ut quo, quia
est vis quadam ordinata ad elevandum intel-
lectum ad altiorum vitam: ut videlicet anima
qua de se vivit vita intellectualis, vivat vita
eterna & beatam, ac participari vita divina. Sicut
licet fons non sit animatum, nec vivens ut
quod, quia tamen est vis quadam instrumenta-
ria, ordinata a natura ad generationem viven-
tis, potest dici vivens ut quo.

Ad illud quod additur, nempe quod virtus
illa est extranea, & proveniens ab aliquo prin-
cipio extrinseco, dicendum est, quod licet illa
non oriatur ab ipsa anima, quae est principium
radicale, & proprium vita; oritur tamen ab ipso
primo vita auctore, scilicet Deo, dante vitam
propriam homini, & illum elevante ad superi-
orem & divinam.

Objicies secundo cum Vazquez contra secun-
dam conclusionem: Lumen gloriae requirit ut
determinet intellectum ad videndum Deum:
Sed ad eum visionem sufficienter determinatur
per essentiam divinam in ratione speciei intel-
ligibilis ei unitam: Ergo positâ hac unione, su-
perfuit lumen gloriae.

Respondeo distinguendo Majorem: Lumen
gloriae requirit ut determinetur, ex parte po-
tentie, concedo: ex parte objecti, nego. Simili-
ter distinguo Minorem: Intellectus per essentia-
m divinam ad visionem sufficiens determi-
natur, determinatione se tenente ex parte ob-
jecti, concedo: se tenente ex parte potentie, ne-
go. Solutio patet ex supra dictis: Cum enim
iuxta commune Augustini proloquium, ex ob-
jecto & potentia patitur notitia, ad cognitionem
duplex requiritur determinatio, & virtus:
una se tenens ex parte objecti, quod in illa ge-
neratione spirituali se habet ut mas, & alia ex
parte potentie, quae se habet ut feminina: unde
ad visionem beatificam non satis est, quod intel-
lectus creatus objective determinetur ab es-
sentiâ divina, per modum speciei intelligibilis
ei unita; sed insuper requiritur, quod determi-
natur intrinsecè à lumine gloriae, ex parte po-
tentie se tenente, & illam confortante, elevan-
te, ac disponente ad unionem essentiae divine
per modum speciei intelligibilis, ut magis con-
stat ex dicendis articulo sequenti.

ARTICULUS II.

Quae sint munera luminis glorie in
intellectu creato?

Dico primum: Lumene gloriae disponere intel-
lectum creatum ad unionem essentiae divi-
nae per modum speciei intelligibilis.

Est contra Vazquem loco supra citato cap. 3.
est tamen D. Thoma hic art. 5. ubi sic discurrevit:
Omne quod elevatur ad aliquid quod excedit suam
naturam, oportet quod disponatur aliqua dis-
positione que sit supra naturam eius: sicut si aer debeat
accipere formam ignis, oportet quod disponatur ali-

Tom. I.

A qua dispositione ad tales formam, cùm au-
tem aliquis intellectus videret Deum per suam essen-
tiā, ipsa essentia Dei sit forma intelligibiliis intelle-
ctus. Unde oportet quod aliqua dispositio supernaturalis
in superaddatur, ut elevetur instantiam sublimitatem.

Confirmatur ex eodem S. Doctore, contra
Gent. cap. 54. Essentia divina qua est actus purus,
est propria & naturalis forma intellectus di-
vini: Ergo impossibile est quod sit forma inel-
ligibiliis intellectus creatus, nisi per hoc quod in-
tellectus creatus fiat divini ordinis, per lumen
gloriae, quod est participatio quadam divina
intellectualitatis. Impossibile enim est (inquit S.
Doctor) quod propria & comunitaria forma aliqua
reis sit forma alterius, nisi participet aliquam similitudinem illius cuius est propria forma: sicut lux
non sit actus sicut corporis, nisi habeat corpus aliquid
participet de diaphano.

Dices: Lumen gloriae est aliqua forma super-
naturalis, & tamen ad illud recipiendum nulla
requiritur dispositio in subiecto, sed sicut sola
potentia obedientialis passiva. Item substantia
Verbi, licet in Supernaturalis, immediate tam-
en, & sine aliqua praevia dispositione, minatur
humanitati: Ergo estis divina essentia in forma
supernaturalis, poterit tamen sine praevia dispo-
sitione uniri intellectui beatorum in ratione
speciei intelligibilis.

Nesciis deo concessio. Antecedente, negando
Consequentiam, & paritatem. Ratio disparita-
tis quantum ad prium est, quia licet aliqua
formæ supernaturales (illæ numerum quæ non
sunt ultimæ, sed viales, & ad alias ordinatae) non
petant dispositiones ejusdem ordinis, sed solam
potentiam obedientiale passivam, & recep-
tivam illarum: forma tamen quæ est ultima, &
perfecta, ac principalis, ne cellario aliquam dis-
positionem exigit in subiecto: unde cum lumen
gloriae se habeat per modum formæ viales, &
ordinatae ad aliam principalem, & perfectam:
scilicet divinam essentiam, unitam intellectui in
ratione formæ intelligibilis, nullam requirit in
eo dispositionem; bene tamen essentia divina,
ut habet rationem speciei impressæ, & formæ in-
telligibilis. Sicut in ordine gratiae, auxilium
sufficiens, quia est prima dispositio, & preparatio
ordinis supernaturalis, nullam requirit dis-
positionem in anima, sed illam primo preparat,
& disponit ad actus perfectiores; gratia tamen
sanctificans, quia in ordine supernaturali est
forma ultima, & perfecta, & ultimus spiritualis
generationis terminus, exposcit aliquam dis-
positionem in subiecto in quo recipitur.

Ad secundam instantiam, neganda est etiam
paritas cum Caietano, parte quæst. 2. art. 10.
Ratio discriminis est, quia unio hypostatica
non sit per elevationem naturæ humanae ad for-
mam aut operationem, sed ad esse substantiale,
ad quod nulla requiritur dispositio, cum exis-
tentia substantialis sit primum in subiecto; visio
vero beatifica sit per elevationem ad formam
& operationem supernaturalem, & id est ad eam
necessaria est supernaturalis dispositio, ut magis
constabit ex ratione sequenti.

Probatum ergo secundo coctilio alia ratione
fundamentali. Nulla species, sive sensibilis sive
intelligibilis, in ratione speciei uniri potest, nisi
potentie habenti sufficientem virtutem, ad uten-
dum ipsam ad elicendam cognitionem. Licet enim
species visibilis v.g. in ratione qualitatis aut ac-
cidentis, possit divina virtute ponit in lapide, aut

T

iii